

# Malusi na Xinghunghumani xa le Matini

Ntshheketho hi Leo Daly

Mikombiso hi Magriet Brink



Rito rin'wana na rin'wana eka lawa ya landzelaka i ntiyiso. Ndza hlambanya hi xihambano a ndzi hembu, naswona loko ku ri ndza hamba ndzi nga dya nhongani!

Sesi wa mina lonkulu, Zandi, na mina hi rhandza ku tlanga exirhapeni. Hi kandziyela ndhope na ku cela magoji yo enta.

Zandi yena wa nyanya ku ndzi tlula. Mina ndzi tithyakisa mavoko na milenge ntsena. Zandi u thyakisa hinkwaswo. U thyakisa misisi ya yena na mavoko. U tlhela a thyakisa na nhompfu ya yena.





Manana a ku, “N’wina vambirhi se i nkarhi wo hlamba!”

Kambe Zandi a nga ngheni endzeni. “Malusi,” a ku ka mina, “Mina ndzi tshama kwala!”



Kambe ndzi rhandza mabomubomu yo byabya ya xisibi. Ndzi gudlha thyaka emilengeni ya mina. Ndzi gudla ndzi gudla. Leswi swi twala swi nandziha.

Kutani Zandi a nghena. “Malusi,” a vula, “xana a wu xi chavi Xinghunghumani xa le Matini?”

“Ku hava nchumu lowu va nge i Xinghunghumani xa le Matini,” ndzi hlekelela.

“Eehh ina, xi kona,” ku vula Zandi. Xi huma hi le ka mbhovo wo halata mati naswona xi na mavoko manharhu na mahlo ya mune. Nakambe ku hava nchumu lowu Xinghunghumani xa le Matini xi wu rhandzaka swinene kutlula ku dya vana lava nga basa.

Sweswi se a ndzi sungula ku chavanyana. Kumbexana i ntiyiso xi kona Xinghunghumani xa le Matini.

Zandi a ndzi komba n’wayitelo lowukulu, “Hiswona, Malusi. Tiphini hi ku hlamba!” A huma ekamareni yo hlambela a ya eku tleni. \*

“U nga chavi, Malusi,” ndzi tibyela. “Ku hava nchumu lowu va nge i Xinghunghumani xa le Matini.”

Kutani swi humelela! Ekusunguleni ku twale pfumawulo wo olova wa ku khuluka. Ku landzela corororo na huuu na ku hobomulana. Ekuheteleleni ku ntlurhuka nchumu kusuka embhoveni wo halata mati. XINGHUNGHUMANI XA LE MATINI!







Loko ndzi nga si endla nchumu, Xinghunghumani xa le Matini xi copeta mahlo ya xona lawa ya mune na ku vula hi rito to bonga, leri taleriweke hi mati, “A hi wena wa thyaka. I sesi wa wena, a hi swona? U tshamela ro vula swilo swo biha hi mina – naswona a hi ntiyiso. Ku hava Xinghunghumani xa le Matini lexi rhandzaka ku dya vana.”

“Wena a wu dyi?” Ndzi swi vula, mbilu ya mina yi wile.

“Naswitsanana,” ku hleka Xinghunghumani xa le Matini. “Nakambe Xinghunghumani xa le Xihambukelweni na Xinghunghumani xa le Xawareni a va rhandzi ku dya lavo thyaka, lava yaka ekutleleni va nga hlambangi!”

Hayi, e-e! Zandi yena ke!

“A ka ha ri na ku heta nkarhi,” ku vula Xinghunghumani xa le Matini. “Kana mati hi bikiri kutani u tsutsuma hilaha u kotaka hakona u ya ekamareni ya Zandi.”




Ndzi fikile hi nkarhi – Xinghungumani xa le Mubedweni xi le kusuhuhi na ku mita Zandi. “Suka la, xinghungumani!” ndzi huwelela. Kutani ndzi cheletela mati ehenhla ka sesi wa mina.



Leswi swi kahle. Ndzi ponisile Zandi eka Xinghungumani xa le Mubedweni! Naswona leswi hi swona leswi ndzi nga ta byela Manana loko a ndzi vutisa leswaku hikwlahokayini ndzi chele sesi wa mina hi bikiri ra mati. A ndzi tivi loko a ta ndzi tshemba. Kambe rito rin'wana na rin'wana ra swona i ntiyiso. Ndza hlambanya hi xihambano a ndzi hembu, naswona loko ku ri ndza hamba ndzi nga dya nhongani!

## ENDLA VUTUMBULUXI!



Dirowha xifaniso xa Zandi a languteka a thyakile na ku chuhwa. Dirowha xifaniso xa xinghungumani xi ri ekusuhi na yena. Dirowha xifaniso xa babulu ya mbulavulo na ku tsala leswi u anakanyaka leswi xinghungumani xi byelaka Zandi swona.

# Malusi na Xinghunghumani xa le Matini

Ntsheketho hi Leo Daly • Mikombiso hi Magriet Brink

## Xifaniso

Dirowa xifaniso xa ndlela leyi a wu ta va u languteke ha yona loko a wu lo tlangela endzhopeni na Zandi swin'we na Malusi.



## Ku Hlaya

Ehleketi hi leswi humeleleke eka ntsheketo ivi u hlamula swivutiso. Lava vuxokoxoko eka ntsheketo lebyi nga ta ku pfuna.

- ★ Xana u ehleketa leswaku Zandi wa pfumela eka Xinghunghumani xa le Matini?
- ★ Xana u ehleketa leswaku u vule yini eka Malusi loko a n'wi haxe hi nghilazi ya mati?
- ★ U ehleketa leswaku manana wa Malusi u n'wi tshembile loko a hlamusele leswaku ha yini a n'wi chele hi mati?



## Ku Tsala

Endla xikeche yo hlamusela Xinghunghumani xa le Mubedweni. Dirowa xifaniso xa ndlela leyi xi langutekaka ha yona ivi u hlamusela ndlela leyi xi langutekaka ha yona, mimpfumawulo leyi xi yi endlaka ni lomu xi tshamaka kona, leswaku loko vanhu va xi vona va ta kota ku xi xiya hi ku hatlisa.



## Ntirho wa vutshila

Xana u ehleketa leswaku Xinghunghumani xa le Xihambukelweni na Xinghunghumani xa le Xawareni swi languteka njhani? Tirhisa swilo leswi lahliweke swo tanihi mabokisi ya matandza, swipfalo swa mabodhlela, mabokisi ya makhadibodo, maphepha ya xihambukelo, maphepha yo tisula mavoko swin'we ni glulu, pende ni phepha leswaku u endla Xinghunghumani xa le Xihambukelweni ni Xinghunghumani xa le Xawareni.



## Encenyeta

Vula ntsheketo wo hlekisa wa mayelana ni xisibi ro rheta ni swiambalo.

